

DE EVENTIIS.

Saturni accedit, quæ omnia satis prospera sunt signa, fortunæ actionum, & rerum à prima domo significatarum, præterquam quod difficultates quædam in rebus & personis Mercurialibus circa uicesimam nonam Martij propter coitum Solis cum Mercurio decernuntur. Ingenij igitur aut hominum ingeniosorum nonnulla impedimenta eotempore natus experietur.

Reliqua fœlicia sunt. Nam & Trigonus Martis cum Sole honorificum, ac utile nato consortium cum Martialibus hominibus portendit, aut ex rebus Marti subiectis boni aliquid euenturum ipsi ostendit; & coniunctio Veneris cum sole nono die Aprilis, quo transit Sol per locum Veneris in radice nativitatis, gaudia ac prospera omnia à rebus & personis actionibusque Venereis nato euentura decernit. Idem est de reliquis occurribus iudicium eademque Methodus secundum ordinem tabulae.

Notandum tamen obiter est, quod in transitu Solis, ac aliorum planetarum, excepta luna, non is solum dies effectui ascribendus est quod transitus ipse contingit; uerum etiam tam præcedens, quam sequens dies. Nam uirtus influxu rerum fortis est per tres dies, ideo medius semper dies assignatur. Sed Lunæ transitus ternis horis ante & post applicationem efficaces censentur.

Cæterum ut omnia de euentibus & actionibus primæ domus certius definita & expressa habeantur, adhibe in hunc locum quæ supra capite septimo de profecionibus horoscopi diximus, & iudicia duodecim domorum coeli in revolutionibus cum suis aphorismis paulo ante tradita, ut de significatis primæ domus nostræ genesis pronunciabis. Sole intra eos quos supra dixi, terminos decurrente, quod natus alacritatem & hilaritatem quandam singularem tunc sentiet, experieturque prosperam fortunam in actionibus & rebus omnibus. Hoc tempus lucrum principatusque, ac honores & dulces propinquorū coniunctiones conuersationesque promittit. Tunc tempus aptum erit, comparare ea quæ corporis uitæque cultus & cura postulat, uestes, cibum, iumenta, arma, & quidquid est omnium, necessariū ad uictum cultumque corporis, & reliqua supra capite Septimo libri huius tertij de profecionibus ascendentis radicis.

Eandem sequeris rationem in iudicio rerum & euentuum secundæ domus, qui tempus à uicesima secunda Aprilis usque ad uigesimam tertiam Maij extēditur. Quod cum secundum canones septimi capituli huius libri tertij, pro significatione secundæ domus, aptum sit emptionibus uenditionibus, pecuniæ collationibus, rei pecuniæ ac contractibus per eam conficiendis natus operam dabit. Tum repetendis nuncijs, lusibus gymnaſijsque uocabimus, ac sperabimus de hostibus uictoriā. Sed mutuantur damna domesticā, incendiorum ac furorum.

Quæ autem potissimum prospera aut aduersa sint tempora in toto hoc rerum genere, à secunda domo significatarum, ut supra iudicabimus ex fœlicibus aut malignis stellarum radijs ab initio huius domus, hoc est à 10 grad. 40 min. Tauri Sole diuertente usque ad finem eius, hoc est usque ad 10 grad. 40 min. Gemini à 22 Aprilis usque ad 23 Maij, in radice nativitatis occurrentibus secundum annum ac proprium suum progressum incedenti. Sic circa uicesimam tertiam Aprilis cum obiicitur sol motu proprio quadratis ac malignis radijs Martis prædicta damna in rebus domesticis potissimum metuat natus, nec ullis contractibus, aut pecuniæ tractationibus, non lusibus, non gymnaſijs, non conflictibus cum hoste non armorum exercitijs non Chemiæ, aut similibus quæ Marti secundæque domui subiecta sunt, operam det. Nam & fraudes hominum & fortunæ malignitas in toto hoc genere rerum & actionum nati spem frustrabuntur, ac nisi prudenter sibi prospexerit à rebus & hominibus Martialibus vulnера